

आकाशवाणी

खबरां ----

1. प्रधानमंत्री नरेंद्र मोदी होरें आखेआ ऐ जे अज्ज जिसलै भारत कोई गल्ल आखदा ऐ पूरी दुनिया उसी पूरी संजीदगी कन्नै धरोइयै सुनदी ऐ। उनें आखेआ जे भारत महात्मा बुद्ध ते गांधी दी धरती ऐ जिनें पूरी दुनिया गी शांति दा संदेश दित्ता।
2. प्रधानमंत्री नरेंद्र मोदी होर कल न्यूजीलैंड दे अपने हमरूतबा क्रिस्टोफर लक्सन हुंदे कन्नै रायसीना डायलाग 2025 दी शुरूआत करंगन।
3. भारत ते न्यूजीलैंड नै व्यापक ते सांझे तौरा पर लाहकारी युक्त बपार समझौते लेई गल्लबात शुरू करने दी घोषणा कीती ऐ।
4. केंद्री गृह मंत्री अमित शाह होरें आखेआ ऐ जे केंद्र सरकार बोडोलैंड इलाके दे पूरे-पराते विकास लेई बचनबद्ध ऐ।
5. पाकिस्तान दे झेलम सिंध इलाके च लशकर-ए-तैयबा दा खूंखार आतंकी अब्दुल कतल मारेआ गेआ ऐ।
6. मुल्ख दे कई राज्यें च अज्ज Fit India Sundays on Cycle अभियान चलाया गेआ।

<><><><><><>

PM-Podcast

प्रधानमंत्री नरेंद्र मोदी होंरें जोर देइयै आखेआ ऐ जे भारत शांति दे बारै च जे किश बी आखदा ऐ, दुनिया उसी सुनदी ऐ कीजे भारत गौतम बुद्ध ते महात्मा गांधी दी धरती ऐ। मोदी होंरें ऐ,आई शोधकर्ता ते पाँडकास्टर लेक्स फ्रिडमैन हुंदे कन्नै इक इंटरव्यू च आखेआ जे भारत दे लोक सद्भाव ते भाईचारे च जकीन करदे न ते शांति चाहंदे ना। रूस ते यूक्रेन संघर्ष बारै मोदी होंरें आखेआ जे एहदा नबेडा तां गै होई सकदा ऐ जेकर दवै मुलखै आमने-सामने बेइयै गल्लबात करने लेई राजी होगन। उनें आखेआ जे यूक्रेन संघर्ष अपने सहयोगिएं कन्नै ज्हारां बार सलाह सूत्र करी लै पर एहदे नै कोई मुकदा हल नेही निकली सकदा ते इस करियै उसी रूस कन्नै गल्लबात करनी गै होग। भारत ते चीन दे सरबंधे बारै प्रधानमंत्री मोदी होंरें आखेआ जे दौनें मुलखें दे सरबंध नमें नेई न, सगुआं प्राचीन काल थमां गै संस्कृति ते सभ्यताएं गी लेइयै दौनें दी बड़ी परानी सांझ ऐ। उनें आखेआ जे चीन बश्कार मजबूत रिश्ते भविक्ख च जारी रौहने लोडचदे। कुदरै बी कोई आतंकी वारदात होंदी ऐ ओहदे पिच्छे कुसै ना कुसै चाल्ली पाकिस्तान दा हत्थ होंदा ऐ। मसाल दे तौरा पर 9-11 आहले हमले दा मुख साजशकर्ता ओसामा बिन लादेन आखरकार पाकिस्तान च पाया गेआ। मोदी होंरें आखेआ जे पूरी दुनिया जानी ते समझी चुकी दी ऐ की आतंकी मानसिकता पाकिस्तान च अपनियां जड़ां मजबूत करी चुकी दी ऐ ते पाकिस्तान दे बारै च मोदी होंरें आखेआ जे भारत चाहंदा ऐ जे पाकिस्तान च बी अमन ते खुशहाली होऐ। उनें आखेआ जे एह बड़ी मंदें भागें आहली गल्ल ऐ जे स्हाडा एह गोआंडी आतंकवाद गी बढ़ावा देइयै शडा अपने गोआंडिएं लेई नेई पूरी दुनिया ते अपने लेई बी खतरा बनदा जारदा ऐ। उनें आखेआ जे इस आतंकवाद दे शकार अस इक्कले नेही होऐ हां-दुनिया च जित्थे भारत नै पाकिस्तान गी सदा आतंकवाद दी बत्त छुड़ने दा आग्रह कीता ऐ कीजे एहदे नै किश हासल होने आहला नेही, तबाही दे अलावा। पर खबरै कीहू पाकिस्तान अजें बी सच्चाई गी समझने लेई तैयार नेई ऐ।

<><><><><><>

PM-Raisina

प्रधानमंत्री नरेंद्र मोदी होर कल नमीं दिल्ली च न्यूजीलैंड दे प्रधानमंत्री क्रिस्टोफर लक्सन हुंदे कन्नै रायसीना डायलाग 2025 दा उद्घाटन करंगन। रायसीना डायलाग दा एह दसमां संस्करण 19 मार्च

तगर चलोग। इस आयोजन च शामिल देस मौजूदा भू-राजनीतिक ते भू आर्थिक सने नेकां महत्वै आहले मुद्दें पर गल्लकत्थ करदे ना। हर बरै इस बैठक च बक्ख-बक्ख देसें दे उच्चि सतह दे अधिकारी, नीतियां बनाने आहले, बन्ज बपार खेत्तर दियां बड्डियां हस्तियां ते पत्रकार शिरकत करियै वैश्विक स्थिति ते बक्ख-बक्ख समकालीन मुद्दें पर सहयोग दे मौके तलाशने पर गलल् करदे ना। इस सम्मेलन दा सरिस्ता अब्जर्वर रिसर्ज फाउंडेशन विदेश मंत्रालय कन्नै रलियै करा करदा ऐ। तोआई, न्यूजीलैंड दे प्रधानमंत्री क्रिस्टोफर लक्सन अज्ज दपैहरी भारत दे 5 दिनी दौरे लेई नमीं दिल्ली पुज्जे। उन्दे कन्नै इक्क उच्चि सतह आहला प्रतिनिधि मंडल बी शामिल ऐ जेदे च सीनियर अफसर, बपारी, मीडिया ते भारतीय समुदाय दे मिम्बर शामिल ना। मच्छी पालन, पशुपालन ते डेयरी कारोबार सरबंधी राज्यमंत्री एस.पी सिंह बघेल होरें प्रधानमंत्री लक्सन हुंदा ब्हाई अड्डे पुज्जने पर सुआगत कीता।

<><><><><><>

Indo-NZL Tally

भारत ते न्यूजीलैंड नै व्यापक ते सांझे तौरा पर लाहकारी मुक्त बपार समझौते लेई गल्लबात शुरू करने दी घोषणा कीती ऐ। एहदी शुरूआत अज्ज नमीं दिल्ली च केंद्र बपार ते उद्योग मंत्री पीयूष गोयल ते न्यूजीलैंड दे बपार ते निवेश मंत्री टॉड मैक्ले बश्कार बैठक कन्नै होई। इक सोशल मीडिया पोस्ट च पीयूष गोयल होरें आखेआ जे एहू दपक्खी सांझ भ्याली च इक मती महत्वै आहली उपलब्धि ऐ।

<><><><><><>

Amit Shah

केंद्रीय गृह मंत्री अमित शाह होरें अज्ज कोकराझार च आखेआ ऐ जे प्रधानमंत्री नरेंद्र मोदी हुंदे नेतृत्व च केंद्र सरकार बोडोलैंड खेत्तर दे विकास आस्तै प्रतिबद्ध ऐ। कोकराझार जिले दे डोटमा च ऑल बोडो स्टूडेंट्स यूनियन दे 57में सालाना सम्मेलन गी मुख् अथिति दे रूप च संबोधित करदे होई उनें आखेआ जे केंद्र सरकार बोडो समझौते दी सभ्भनें धाराएं गी पूरा करने आस्तै प्रतिबद्ध ऐ। श्री शाह होरें आखेआ जे समझौते दी 82 प्रतिशत धारा पैहले गै पूरी होई चुकी दिएं ऐ। गृह मंत्री होरें आखेआ जे समझौते दी बाकी धारां दो बरे दे अंदर पूरी करी लैतियां जांगन। श्री शाह होरें घोषणा कीती जे दिल्ली च तौले गै उपेंद्र नाथ ब्रह्मा हुंदी इक्क प्रतिमा लाने दे अलावा दिल्ली च इक्क सड़क दा नां बी उन्दे ना पर रक्खेआ जाग। केंद्रीय गृह मंत्री नमी दिल्ली परतौने दे बाद पैहले अट्ट पूर्वोत्तर राज्यें दे मुख्मंत्रियें कन्नै गुवाहाटी दे पूर्वोत्तर राज्यें च नमें आपराधिक कनूनें दे कार्यान्वयन दी समीक्षा करंगन।

<><><><><><>

PM-Reserve Bank

प्रधानमंत्री नरेंद्र मोदी होरें लंदन दे सेंट्रल बैंकिंग आसेआ भातीय रिजर्व बैंक गी डिजिटल बदलाव पुरस्कार 2025 लेई चुने जाने पर सराहना कीती ऐ। श्री मोदी होरें आखेआ जे एह उपलब्धि दसदी ऐ जे सरकार शासन च नवाचार ते माहिराना रवैये पर बल दिंदी ऐ। उनें आखेआ जे डिजिटल नवाचार भारत दे माली ढांचे गी ना शड़ा उप्परोतली तगड़ा बना करदा ऐ, सगुआं बेशुमार लोकें गी बाइखितियार बी बना करदा ऐ।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” च इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 120मीं किशत होग। कार्यक्रम

BMB

भारतीय मानक ब्यूरो आसेआ अमेजान, फ्लिपकार्ट ते बिगबास्केट जनेए प्रमुख ई-कामर्स प्लैटफार्में खलाफ गैर अनुपालन आहले उत्पादें गी विक्री पर कीती गेदी सख्त कार्रवाई गी कन्फेडरेशन ऑफ ऑल इंडिया ट्रेडर्स दे राष्ट्रीय महामंत्री ते चांदनी चौक दे सांसद प्रवीन खांडेवाल नै सुआगत कीता ऐ। उनें आखेआ जे इस कार्यवाही दे बाद एहू कंपनियां अपनी मनमर्जी नैई करंगन ते उनेंगी नियमें दी पालमा करनी होग जेड़ी जे उपभोक्ताएं समें सबभनें दे हितै च ऐ।

<><><><><><>

Delhi BJP

दिल्ली बीजे दे अध्यक्ष वीरेंद्र सचदेवा होरें आखेआ ऐ जे दिल्ली बीजेपी संगठन गी नमें सिरेआ गठित करने दी प्रक्रिया संगठन पर्व अगले हफ्ते शुरू होगा। उनें आखेआ जे इस प्रक्रिया लेई पार्टी नै महेंद्र पाल नागपाल होरेंगी चुनां अधिकारी बनाया ऐ ते कन्नै गै 2 सह चुना अधिकारी डॉ. योगेश आत्रेय ते विजय सोलंकी बी नियुक्त कीते गेन।

<><><><><><>

Abu Qatal Killed

पाकिस्तान दे झेलम सिंध इलाके च लश्कर-ए-तायबा गुट दा आतंकवादी अबू कतल जिसे कतल सिंधी दे नां कन्नै बी जानेआ जंदा हा, मारेआ गेआ। जंदी रातीं किश बेपंछानू हमलावरें अबू कतल दी गोली मारियै हत्या करी दिती। अबू कतल मोस्ट वांटेड आतंकियें चा इक हा जिन्ने जम्मू-कश्मीर च केई हमलें दी साजिश रची ही। ओहू आतंकी हाफिज सईद दा करीबी हा ते छदम PAFF ते TRF आतंकी गुट चलाने च इक टकोहदी भूमिका निभांदा हा।

<><><><><><>

Pak Army Attacked

पाकिस्तान दे बलूचिस्तान प्रांतै च नोशकी थाहर जरनैली शिडक 40 पर रक्षणी मिल इलाके च एफ.सी फौजियें गी लेई जा करदी इक्क बस पर कीती गेदी भारी गोलीबारी च 12 सैनिक मारे गे ते 26 जखमी होई गेन। बलूच लिब्रेशन आर्मी-बी.एल.ए नै सेना दे काफले पर कीते गेदे मारू हमले दी जिम्मेदारी लेती ऐ ते दावा कीता ऐ जे अजे तग्गर घट्टघट्ट 90 जवान मारे गेन। पाकिस्तानी अधिकारियें बीएलए दे दावे दा कोई परता नेई दित्ता ऐ।

<><><><><><>

Fit India

खेडू मंत्री मनसुख मांडविया होरें अज्ज अहमदाबाद च फिट इंडिया संडे ऑन साइकिल दा नेतृत्व कीता। इस कार्जक्रम च पूरे देसै दे लोकें बधी चढियै हिस्सा लै करदे न। साई गांधी नगर आसेआ आयोजित कार्जक्रम च कोई साड्डे 600 साइकिल सवारें हिस्सा लैता। पैरालंपियल एथलीट भावना चौधरी नै रैली गी झंडी दस्सियै रवाना कीता। तोआई, दिल्ली दे मेजर ध्यानचंद स्टेडियम च गिनीज बुक ऑफ वर्ल्ड रिकार्ड रखने आहले रोहताश चौधरी नै फिट इंडिया संडे ऑन साइकिल कार्जक्रम दी अगुवाई कीती। इस आयोजन दे सिलसिले च इंडियन मेडिकल एसोसिएशन नै बी मुल्ख भरै च 25एं थाहरें संडे ऑन साइकिल कार्जक्रम दा आयोजन करोआया।

<><><><><><>

Jammu Marathon

जम्मू-कश्मीर पुलस आसेआ अज्ज जम्मू च जम्मू मैराथन 2025 रन फॉर फन दा सरिस्ता कीता गेदा हा। अपने सिविक एक्शन कार्जक्रम तैहत आयोजित एह मैराथन जम्मू दे गुलशन ग्राउंड थमां शुरू होई जेदे च बक्ख-बक्ख वर्गे ते श्रेणियें च बक्ख-बक्ख उम्मी दे कोई 3 ज्हार लोकें हिस्सा लैता। इन्दे च स्कूली बच्चे, बुजुर्ग, पुरुष, महिलां सब्बनें हिस्सा लैता। मैराथन दिएं श्रेणियें च 21 किलोमीटर दी हॉफ मैराथन द्रौड शामिल ही जेडभ् गुलशन ग्राउंड थमां शुरू होई। एहदे अलावा 10 किलोमीटर, 5 किलोमीटर, 4 किलोमीटर ते 2 किलोमीटर दियां द्रौडां बी शामिल हियां जिंदे च बक्ख-बक्ख उम्मी दे

लोकें हिस्सा लैता। 21 किलोमीटर हॉफ मैराथन पुरुष श्रेणी च फिरोजपुर पंजाब थमां मंजीत सिंह अब्बल थाहर पर आए जिस्सलै के 18 बरें कोला बद्द उम्मी दी 10 किलोमीटर द्रौड महिला श्रेणी च उत्तर प्रदेश दियां सविता पाल होरें पैहली थाहर अपने नां कीती। जागतें दी 18 बरें कोला घट्ट उम्मी दी 10 किलोमीटर आहली द्रौड च चनैनी उधमपुर थमां प्रवीण कुमार होरें पैहली थाहर हासल कीती जिस्सलै के 10 किलोमीटर आहली जूनियर रोड रेस च 18 बरें कोला घट्ट उम्मी दी कुड़ियें दी श्रेणी च सुलेखा अब्बल थाहर पर आई।

<><><><><><>

Master-League-T20

रायपुर के शहीद वीर नारायण सिंह इंटरनेशनल स्टेडियम च अज्ज अंतरराष्ट्रीय मास्टर्स लीग टी-20 दे फाइनल च सचिन तेंदुलकर हुंदी अगुवाई आहली इंडियन मास्टर्स टीम दा मकाबला ब्रायन लारा हुंदी बेस्टइंडीज मास्टर्स कन्नै होग। एहू मैच हुनै कोला किश चिर मगरा ठीक साड्डे 7 बजे शुरू होग। सेमीफाइनल च इंडियन मास्टर्स नै आस्ट्रेलिया मास्टर्स गी 94 रन्ज कन्नै ते वेस्ट इंडीज मास्टर्स नै श्रीलंका गी 6 रन्ज कन्नै रहाया हा। लीग मैचें च इंडियन मास्टर्स 5एं चा 4 मैचें च जित्त हासल करियै अंक तालिका च दुए नम्बरै पर ऐे जिसले जे वेस्टइंडीज मास्टर्स 5 मैचें चा 3 च जित्त हासल करियै चौथे नम्बरै पर ऐे।

<><><><><><>

Prasar-Bharti-Award

हॉकी इंडिया दे 7में सालाना संस्करण पुरस्कारें च प्रसार भारती गी 2024 बरें च हॉकी दे प्रसारण ते एहूदे प्रचार-प्रसार सने बढ़ावे च अनमुल्ले जोगदान लेई नमीं दिल्ली च जमन लाल शर्मा पुरस्कार कन्नै सम्मानित कीता गेआ। समारोह च हॉकी इंडिया नै 1975 च विश्व कप जित्तने आहले टीम मिम्बरें गी हॉकी इंडिया मेजर ध्यानचंद लाइफटाइम अचीवमेंट पुरस्कार कन्नै 50 लक्ख रुपें दे नकद ईनाम कन्नै सम्मानित कीता। टॉप दे पुरस्कारें च सविता पूनिया ते हरमनप्रीत सिंह गी महिला ते मर्दे दे वर्ग च 2024 बरे दे बेहतरीन खडारी लेई हॉकी इंडिया बलवीर सिंह होरें गी सीनियर पुरस्कार

कन्नै सम्मानित कीता गेआ। जिल्ले के जंदे बरे अंतरराश्ट्रीय हॉकी थमां सन्यास लैने आहले पी.आर श्रीजेअ गी एफ.आई.एच मर्दे दे वर्ग च गोलकीपर ऑफ दा ईअर पुरस्कार प्रदान कीता गेआ।

<><><><><><>